



FYLKESMANNEN
I ROGALAND

Dykkar ref.:

Vår dato: 11.07.2016
Vår ref.: 2016/5041
Arkivnr.: 433.0

Kåre Steine
Suldalsvegen 1186
4237 SULDALSOSEN

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 52 03 00
E: fmropost@fylkesmannen.no

www.fylkesmannen.no/rogaland

Løyve til å planta utanlandske treslag til juletreproduksjon, fjelledelgran gnr/bnr 22/2 Steine, Suldal

Fylkesmannen gjev løyve til planting av utanlandske treslag til juletreproduksjon på kartfesta areal på eigedom 22/2 i Suldal kommune for 10 år. Det er sett vilkår om at alle tre skal fellast innan 15 år etter planting. Dette løyvet er uavhengig og gjev ikkje føringar for handsaming etter anna lovverk.

Me viser til søknad, mottatt 18.04.2016. De søker om løyve til å planta utanlandske treslag til juletreproduksjon på eigdommen dykkar på i Suldal kommune.

Heimel

Utsetjing av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf. **naturmangfaldlova** kap IV.

Søknaden

De søker om å planta ut 1000 fjelledelgran *Abies lasiocarpa* på totalt 1,5 daa. Feltet, som er teikna inn på kart, er på eit tidlegare plantefelt med norsk gran. Søknaden er svært tynt utfylt, og du oppgir at det finst 20-30 hemlock, men ikkje kor desse er.

Me gjer merksam på at forskrifta gjev høve til å handsama søknader om utplantingar over fleire år om gongen, og vanleg forvaltningspraksis er å gje løyve for 10 år. Det aktuelle arealet er på eigedomen dykkar gnr./bnr. 22/2 i Suldal kommune.

Fylkesmannen si vurdering

Føremålet med forskrifta er å hindra at planting av utanlandske treslag ikkje gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§ 4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12. § 8 set krav om at vedtaket bygger på kjend kunnskap. Det er ikkje verna område, eller kjende artar i nærleiken, som kan bli uheldig påverka av tilplantinga. Plantefeltet legg beslag på areal som i dag er hogstfelt etter produksjonsskog med norsk gran.

Ut frå føre-var-prinsippet (§ 9) er det viktig å sikra seg mot at plantefelta kjem ut av kontroll, som til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er, eller blir utsett for (§ 10). I dette høvet kan me ikkje sjå at tiltaket legg beslag på, eller er ein vesentleg trussel mot stadeigne naturkvalitetar.

§ 11 legg ansvaret for eventuelle skader på naturmiljøet hjå tiltakshavaren. Kostnader ved å bøta på eventuelle skader, eller å førebygga skader skal dekkast av tiltakshavar, så langt tiltaka er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultat (§12). Me har ikkje spesielle merknader til dette i denne saka.

Me kan ikkje sjå at planting av dette treslaget vil vera til vesentleg skade for naturmangfaldet. Det aktuelle treslaget er ikkje oppført med stor risiko på svartelista, og det er ikkje registrert spesielle naturverdiar som kan bli trua av tiltaket på, eller umiddelbart ved sida av plantefelta. Det er likevel viktig å sikra seg mot eventuell frøsetting. Det er viktig å dokumentera rutinar for å hindra spreiding, og kven som har ansvar for å sikra hogst før frøsetting. Det er også viktig at dette dokumentet blir gjort kjent og overført samtidig som eventuelt eigarskifte til ny eigar.

Samstundes vil me minna om at skogbrukslova med underliggende forskrifter, mellom anna *forskrift om berekraftig skogbruk* (07.06.2006 nr. 593) også gjeld for juletre- og pyntegrøntproduksjon. Her er det også ein del miljøomsyn som må takast, t.d. avstand til vassdrag, myr, osv.

Vedtak og vilkår

Fylkesmannen gjev med dette løyve til å setja ut fjelldelgran på avmerka område i kart vedlagt løyvet. Arealet er til saman 1,5 daa. Områda er på Steine i Suldal kommune. Løyvet gjeld i ti år fram til år 2026.

Det blir sett som vilkår at alle tre, som er omfatta av vedtaket, skal fellast innan 15 år etter at dei vart planta. Eigaren av arealet er ansvarleg for felling. Vilkåret for dette løyvet skal gjerast kjend for ny eigar ved eventuelt eigarskifte.

Dette løyvet er utelukkande gitt på bakgrunn av risiko for spreiding av utanlandske treslag, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefeltet er på dyrka jord.

Tiltaket skal ikkje utførast før tidlegast ei veke etter at klagefristen er ute og ein eventuell klage er ferdig handsama.

Klage

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

May Britt Jensen
fylkesmiljøvernssjef


Torborg Berge
rådgjevar

Dokumentet er elektronisk godkjent og har derfor ikkje underskrift.

Saksbehandlar: Torborg Berge
Saksbehandlar telefon: 51 56 89 39
E-post: fmrotbe@fylkesmannen.no

Kopi til:
Miljødirektoratet Postboks 5672 Sluppen 7485 TRONDHEIM
Suldal kommune Eidsvegen 7 4230 Sand

Vedlegg:
Felt for fjelldelgran til juletreproduksjon Steine, Suldalsosen gnr/bnr 22/2, Suldal



22/ 1

22/ 2

1,5daa


22/ 1

22/ 2

22/ 2

22/ 1

**Løyve til å setja ut fjelledelgran
Steine, Suldal gnr 22 bnr 2**

-  Eigedomsgrense
-  Fjelledelgran

Ortofoto 2012 0,25 m oppløysing

1:500

0 5 10 20 Meters

Kartgrunnlag: FKB, Norge i bilder
Tillatelse: © Norge Digitalt
Kartproduksjon: Fylkesmannen i Rogaland, mai 2016

